



麵擔仔後

「來喔！來坐喔！排骨飯、滷肉飯、貢丸湯。欲食麵嘛有喔！」逐年的正月開始，進香割火的人就愈來愈濟，包車嘛一台繼一台來到這個小鄉鎮小所在。包車一下來，街仔頭的路邊擔仔生理嘛綴咧好起來。郎仔就是按呢靠一个麵擔仔飼一家伙仔。

郎仔自個老爸開始就是咧做油湯。彼時陣媽祖宮口有一撮做食的，郎仔個老爸就是其中的一个。伊勢料理閣拚勢，佇宮口人攏叫伊「好炒手的」。便若伊的店門一下開，毋管是在地的、外位仔的人客就溢入來。不管時規間店都攏湊湊。

這間店若欲繼續做落去，是會使得世傳世，飼咧幾若代人的。毋過對二十外歲的郎仔來講，伊當少年、拏娶某，伊的人生欲哪會堪得一世人屈佇爐仔頭前，逐工五籬十籬咧趁這款小可仔錢咧！伊是大罔，總嘛愛做好耒頭，拏一下仔事業予小弟小妹看，抑是予個小弟小妹過好日子。毋過序大人佇咧，無講按怎伊嘛毋敢講啥。想袂到，個老爸四十六歲的時陣因為操勞過度，胃出血煞來過身去。處理老爸的後事以後，伊原本的想法就愈來愈強矣。因為做油湯好趁是好趁，嘛免誓本，毋過人客一下來直直操、直直操，攏無通歇暈，實在無咧快活。規氣趁這個機會收收起來。宮口這間店褪予人，換做當興的紡織這途。紡紗仔、刺膨紗，自頭至尾一貫作業。

伊總是手面趁食的古意人起身的，袂曉做生理的手腕，袂曉應酬的鉅角，嘛一向真信任人，哪會知影生理上的奸險？做無幾冬接載袂牢矣，就只好收收起來。郎仔才姑不而將閣轉來做伊的本途。

「來喔！來坐喔！……」進香割火的人又閣開始濟起來矣，包車嘛一台繼一台閣來到這個小鄉鎮。正月初一新正年頭，所有的罔仔歡歡喜喜穿新衫，提紅包出去逛街的時，郎仔個查某罔無去迢迢，嘛愛來鬥洗碗、招呼人客。拏開始個真歹勢，毋敢喝出聲。個爸母就講：「毋免驚！做你大聲喝，人客才會知！」

是啦！就用佇學校做班長的時陣，咧喝彼寡仔臭查埔，叫個愛聽話的彼種聲嗽就著矣啦！為著生活，共面底皮藏跔麵擔仔後，大聲喝出來就著矣啦！

作者：蔡淑芬

☆詞彙學習☆

【撮】tshok：計算少量積聚的物品的量詞。

【拏勢】piānn-sè：拏命。做事情很努力、不計一切。

【便若】piān-nā：凡是、只要。

【耒頭】tshuā-thâu：榜樣。

【褪】thèng：把東西轉讓給別人。

【紗仔】se-á：薄絲絹布。

【刺】tshiah：編織、縫製。

【手面趁食】tshiú-bīn-thàn-tsiáh：討生活。指靠勞力維生。

【鉅角】mê-kak：引申為事情的原則、範圍、輕重關鍵。

【接載】tsih-tsài：支撐、支持。

【聲嗽】siann-sàu：口氣、語氣。通常指不好的說話口氣。